

癰疽神秘灸法

元鶴溪胡元慶先生著

吳郡

立齋薛已校補

癰疽神祕灸經

鐵研齋繡行

癰疽神秘灸經序

人具五臟之形而氣血之運必有以踈載之
其流則曰歷曰循曰經曰至曰抵其交際則
曰會曰過曰行曰達者槩又所謂十二經焉
十二經左右手足各倂陰陽者三陰右而陽
左也陽順施而陰逆施以三陽言之則太陽

少陽陽明則陽有太少也矣而有陽明者取

陰陽合明之意也以三陰言之則太陰少陰

厥陰陰既有太少矣又有厥陰者取兩陰交

會之義也非徒經之有十二又有系絡者爲

系絡之數三百六十五所呂附經而行週流

不息若陰陽維蹻衝帶六脉皆有所繫惟任

督二經則包乎腹背而有專穴諸經滿而溢者則受之初不可常而忽焉宜與諸經並論

通考其穴三百五十又七此人身之常遍也

滯經血所滯發而爲癰疽爲疔癰此皆氣血

不能通之謂也歷觀諸經傳變不一是經之

帶當審何經所發何穴所滯辨視其穴測用

火以攻之，踈其源流而無滯也。猶如溝渠塞，其底水泛溢，今胡元慶先生深窮妙理，週遍玄微，遂緝十二經所滯之穴，毫端妙理，用以廣生民之福，同躋仁壽之域也。

至正甲子永昌楊子成序

癰疽神祕灸經序

人身之氣血晝行陽二十五
度、夜行陰二十五度、如環無
端、實於寸、只是為真息、滯於癰
腫、或名淫、七情飲食起居所傷
則癰疽疔瘰之症、生焉、治者察

其受症之經，悉其應症之穴，使
氣血流暢，隧道疎通，其功為捷。
或灸而毒不解，飲其潰，飲然後
投之，以湯藥而輔其不逮，尤當
審各經氣血多少，火地部遠近，稟
賦虛實，而用之，輒用攻劫之劑。

未及患所而腸胃先傷反有所
損故上古之治疾針灸為尚而
湯藥次之。前元鶴溪胡先生著
神祕灸經我朝節菴陶先生集
神祕驗方探玄發微灸藥之功
具載二先生之用心可謂精矣

後之醫者必合是二書而後可
收今功予嘗訪吾鄉貞菴都憲
周公出是書示予曰子宜發明
之以惠斯人噫公之心仁矣哉
予因喜而嘆曰予家舊有是書
亡失者幾年今復得之其斯人

之幸哉、但其穴其方有_レ未_レ詳、輒_キ
按_ニ針灸家書_一以圖_ニ其穴之所在_一、
或_ニ一穴而可_キ兼_子治者、亦明_ニ著_{ハス}之_一、
系_ニ示_{ハス}各穴之劑_一、辨_ニ其性之寒熱_一、
溫涼、別_ニ其証之陰陽虛實_一、補_ニ其_一、
缺略、錄_ニ其傳經後之君臣子_一、酌_ニ

而用之庶乎前人幾一微簡要之
法傳於世而子孫云

嘉靖丁亥孟冬吉日南京大醫院院判

吳郡薛已謹識

癰疽神祕灸經

元鶴溪 胡元慶

吳郡 立齊薛已 校補

浪華 佐野古菴 謹副

國字 門生原泰菴 校正

手太陰肺經

肺之爲臟六葉兩耳四垂如蓋附着脊之第三椎中
有二十四行分布諸臟清濁之氣爲主宰華蓋手太
陰之脉起於中焦下絡大腸還循胃上膈肺間起發
也經遠也還復也循經也中焦者胃中脘臍上四寸

是也憂患太過則當胃發爲疽內堅如石外皮走動
不赤微腫惡寒惡心偏於右者胃癰也偏於左者胃
疽也三毒之發無有不先寒而後熱引臍走疼欲嘔
不吐甚則咳嗽腹脹脉浮大面赤者不治治法當灸
曲池二穴七壯毒左灸右毒右灸左遂愈

愚按針灸經云曲池二穴在肘外輔骨曲肘以手
拱胸取之軟盡處是穴又治風刺癰疹或痒痛或
遍身疼痛或皮膚頑疥如虫螻搔之皮脫成瘡隨
患人年歲壯數灸之上部疔腫發背癰疽渾身瘡
毒小兒丹毒及癰瘰四肢拘攣或紅腫疼痛歷節

諸風尤效

肺疽一名肺癰其症之發蓋因心火太盛尅於肺金之故也得此疾者無不戰寒鼻塞咳嗽口臭咽乾胸悶氣短當急灸合谷七壯甚者吐痰如米糲者莫治尤當灸腎俞三七壯令益腎水水能尅火火靜而金自安也

愚按針灸經云合谷二穴在手大指岐骨間陷中又治鼻痔及不聞香臭牙齦久爛不愈及風熱癰疹手背紅腫作痛有殊效凡瘡毒久不合灸此穴各七壯至七七壯極驗更服托裡藥○腎俞二穴

在十四椎下兩旁各寸半與臍平

見勝脫經圖

肩癰在肩_上按之至痛酸半體者是也甚者令人身熱惡寒當灸太淵穴三七壯便毒流通而自愈也

愚按發揮云太淵二穴在掌後橫紋陷中又治面上白疔肺癰咳嗽吐膿血或氣攻兩乳作痛及上牙疼臂癰治法太淵穴灸七壯

手大陰肺經圖

